

SORRENTO – TARDE NUESTRE = 0 A 0... JE SUIS JULIEN E N'ENGARRE PAS LA PORTE!

L'ha mann't Aldo "Diecipalazzine"
lunedì 26 settembre 2011

Monsieurrrr Julien! Ma ce ccose hè cumbenate? Hè fatte ‘na partite a uecchie proprie. De cape no’nge l’hè ngarrate nemmanghe e po’ hè sbagliate pure ‘nu regore. Mbacce o fotografe l’hè menate! Nemmanghe Daguerre faceve le fotografie accussi! Ehehehe! Uagnù! Ce sckife de cambe! Stave ‘nu mure probbie suse alle strisce du falle laterale. Ce nu sciucatore sceve cchiù veloce se chiandave suse o mure accome a ‘na lucertone! E po’ ce cacchie de cambe. ‘U cambe d’a pupe. Piccinne, piccinne e cu ll’erbe de plasteche! Comungue ne l’ame viste brutte pure nuje piccè GINESTRA n’otre picche ne faceve ‘a siringhe. Menumale ca Sande BREMEC ha achiuse le jamme e ha parate.

Però ame mise sottè pure ‘u Sorrende. Dice ca eve ‘nu squadrone. Ca GINESTRA (‘u cendrattacche a doppia cifra… sine…doppio zero… accome a farine!) Ehehehe ha sciute all’urme brutte. GIRARDI ha fatte ‘a partita sove, s’ha mangiate pure idde ‘nu pare de gol, però s’ha guadagnate ‘u regore e ha purtate a ggire totte a defese de ll’otra squadre. Stave ‘u purtiere du Sorrende ca pareve ‘nu scarecatore de porte. Se chiane GENEROSO. Nu tenime ‘mbece DESIDERIO, ca ha sciucate ‘na bbona partite. GARUFO sine! Accussi avime uardate indr’alle uecchie pure a ste cambiune. Sciame nnanze uagnu! Pe mmo’ stame o seconde poste e dumenche n’a dichiarame. Tuttapposte uagnuuuuuu!